

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**De influxu dogmatis reformatorum de sacra coena in
praxin fidei et pietatis, quanto et quali?**

**Pfaff, Christoph Matthaeus
Hochstetter, Gottfried Ulrich**

Tubingae, 1720

Thesis V.

[urn:nbn:de:bsz:31-130755](#)

Thesis V.

Quod Reformati præsentiam corporis & sanguinis Christi in sacrâ cœnâ negant eamque verbis institutionis contrariam esse afferunt, non ex malitioso quodam affectu, quo in Dei verbum involare cupiunt, fit, sed eapropter, quod credunt, ex præsentia istâ manare absurdâ, contradictoria, Deo indignissima & quæ religionem Christianam suspectam hominibus reddere possint*, quod credunt porrò, interpretationem suam genio & indoli linguae sanctæ sensuique communi congruam esse, id quod de nostrâ sententiâ dici haud possit. Putant itaque, se peccaturos, si aliam sibi mentem hîc induerent.

* Has tamen consequencias certè sapientiores nobis vix amplius imputaverint, non solùm, quoniam eas haud agnoscimus, sed etiam, quod ex sententiâ nostrâ nonnisi male intellectâ profluunt.

Thesis VI.

Nemo nostrum est, qui non existimaverit, gravissimè illum hallucinaturum esse, qui proprietatem literæ eosque urgere haud dubitaverit, ut præsentiam Corporis Christi in sacrâ Cœnâ localem,